



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
Sjedište: ul. Jaroslava Černija br. 8, tel: 033 237-655, 033 447-741; fax: 033 440-658, www.viksa.ba
Pogon Vodovod tel: 033 532-430, Pogon Kanalizacija tel: 033 668-260 PDV-IB: 200151950004, ID: 4200151950004


KANTON SARAJEVO
SKUPŠTINA KANTONA SARAJEVO

Sarajevo, 21.09.2022. god.

n/r Predsjedavajućem Skupštine KS
g-din Elvedin Okerić

Broj: 5962 /22

ul. Reisa Džemaludina Čauševića br.1
71 000 Sarajevo



Predmet: Odgovor na zastupničko pitanje
veza vaš akt br: 01-04-2779-35/22

Poštovani,

U vezi sa vašim aktom br: 01-04-2779-35/22, koji se odnosi na dostavu poslaničkog/zastupničkog pitanja zastupnika Damira Filipovića, sa 54. Radne sjednice Skupštine Kantona Sarajevo, obavještavamo vas o slijedećem:

1. Centralni vodovodni sistem

Potrošači koji se snabdijevaju vodom iz vodovodnog sistema, kojim upravlja „KJKP Vodovod i kanalizacija“ d.o.o. Sarajevo su u proteklom periodu imali cjelodnevno vodosnabdijevanje. Jedino u danima kada se vršilo redovno ili plansko održavanje dolazilo je do kratkotrajne obustave. O svim obustavama potrošači su obavješteni na vrijeme putem sredstava informisanja i putem internet stranice preduzeća www.viksa.ba.

2. Centralni sistem kanalizacije

Centralni kanalizacioni sistem pokriva područje općina Stari Grad, Centar, Novi Grad, Novo Sarajevo, Ilidža i dio Vogošće, Hadžića i dio Trnava, odnosno lokalitet Bjelašnica. Pored navedenih općina centralni kanalizacioni sistem pokriva i dijelove naseljenih mjesta Lukavica i Istočna Ilidža koji administrativno pripadaju gradu Istočno Sarajevo. Najveći procenat pokrivenosti kanalizacionom mrežom imaju centralni dijelovi gore navedenih općina, dok se idući ka periferiji pokrivenost kanalizacionom mrežom smanjuje. U ovim područjima prikupljanje otpadnih voda se vrši na više načina, bilo da su stanovnici priključeni na pojedinačne septičke jame ili direktno na najbliže vodotoke. Također postoje i dijelovi gdje imaju položene kanalizacione cijevi koje su gradili stanovnici samoinicijativno međutim, ovako postavljene nisu registrovane u katastru podzemnih instalacija, te o njima nema podataka da li su izgrađene po tehničkim normama. Kolektori centralnog kanalizacionog sistema priključeni su na prečistač otpadnih voda Butila. Kanalizacioni sistem koji se naslanja na geografsko područje općine Vogošća nije priključen na prečistač i u perspektivi se razmatra pozicija za izgradnju novog prečistača (u neposrednoj blizini rijeke Bosne).

Kako se radi o kompleksnom pitanju koje je od velikog značaja za Kanton Sarajevo, s ciljem institucionalne i planske realizacije, Zavod za planiranje Kantona Sarajevo započeo je izradu „Studije odvodnje i tretmana sanitarnih otpadnih i oborinskih voda na području Kantona Sarajevo“.

Glavni cilj projekta je bio sagledati postojeće stanje i uraditi analizu kanalizacionog sistema, te nakon toga dati prijedloge za unaprijeđenje i dogradnju sistema odvodnje oborinskih i sanitarnih otpadnih voda, sa ciljem uspostavljanja separatnog sistema kanalizacije. U isto vrijeme, svrha izrade Studije je poboljšanje kanalizacionog sistema u Kantonu Sarajevo, kako bi se doprinijelo poboljšanju uslova života za stanovništvo.

Kao prvi zadatak, odnosno aktivnost koja je provedena je prikupljanje, sagledavanje i analiziranje sve potrebnih podataka i podloga neophodne za izradu Studije. Nakon prikupljenih neophodnih podloga sljedeći zadatak je bio analiza postojećeg stanja kanalizacione mreže na području Studije. Glavne aktivnosti koje su uključivale ovaj zadatak su sljedeće analize: prostorna pokrivenost kanalizacionom mrežom, hidrauličku analizu primarnih kolektora, analiza količina otpadnih voda i fekalnih i oborinskih, analizu broja priključenih stanovnika, priključenost industrijskih i privrednih subjekata. Ovaj zadatak je uključio i analizu postojećeg stanja prečišćavanja otpadnih voda.

Sljedeći zadatak je koji je urađen je prijedlog trasa novih primarnih kolektora i rekonstrukcije postojećih koji se temelje na varijantnim rješenjima te na rezultatima prethodnih analiza. Ovaj zadatak je uključivao sljedeće glavne aktivnosti: projekcija broja priključenih stanovnika u planskom periodu, definisanje trasa novih primarnih kolektora, hidraulički proračun novih primarnih kolektora, prijedlog kolektora koje je potrebno rekonstruisati, tehno-ekonomska analiza predloženih rješenja, broj i lokacije lokalnih uređaja za tretman otpadnih voda, napraviti plan implementacije.

„Studija odvodnje i tretmana sanitarnih otpadnih i oborinskih voda na području Kantona Sarajevo“. 2019. urađena je od strane konzorcija kojega čine Zavod za vodoprivredu d.d. Sarajevo, Urbis Centar d.o.o. Banja Luka, Trasa d.o.o. Sarajevo i Zagrebinspekt d.o.o. Mostar (Konsultant) i Zavoda za planiranje Kantona Sarajevo (Investitor).

Urađena studija služiti će kod izrade Urbanističkih projekata KS.

Zbog značaja ove Studije predloženo je da se svim subjektima prostornog planiranja, kao i odgovornim nosiocima izvršne vlasti, izvrši Prezentacija iste u cilju upoznavanja sa vrlo kompleksnom problematikom odvodnje i tretmana otpadnih voda Kantona Sarajevo. Zaključak je da se rješavanju svih problema na koje je ukazala ova Studija mora pristupiti odmah i po prioritetima. Također, ovo podrazumjeva strateško opredjeljenje nadležnih Ministarstava Kantona Sarajevo u smislu definisanja strategije u komunalnim djelatnostima, u dijelu vršenja vodno-komunalnih usluga, i uspostavljanja kvalitetnog zakonskog ambijenta kao i standarda i normativa struke. Ovo pogotovo ima značaj zbog izraženih međuentitetskih uticaja u sferi vodno - komunalnih djelatnosti, zbog čega je uspostavljanje praktične saradnje neophodno. Smatramo da bi Kanton Sarajevo trebao da bude primjer u rješavanju ovakvih kompleksnih problema, kako tehnički tako i pravno.

U svrhu optimizacije ovog strateškog dokumenta, Naručilac Studije formirao je Stručno – nadzorni tim za praćenje i realizaciju izrade Studije odvodnje i tretmana sanitarnih otpadnih i oborinskih voda na područja Kantona Sarajevo za potrebe Urbanističkih planova urbanih područja Kantona Sarajevo, u čijem sastavu su: predstavnik Ministarstva komunalne privrede i infrastrukture, Ministarstva privrede, predstavnici KJKP “Vodovod i kanalizacija“ i Zavoda za planiranje razvoja Kantona Sarajevo.

Direktor

MA Rusmir Salić